

GAIA: XXX. INGURUMEN LEHIAKETA 2019 ARAUTUKO DUTEN OINARRIEN PROPOSAMENA

(LEHEN HEZKUNTZA)

1.- XEDEA:

Honako eskola-lehiaketa honen xedea udalerriko eskola-zentroetan Santurtziko Eskola Agenda 2030 zabaltzea da. Beronek lotura zuzena du Nazio Batuetako Garapen Jasangarriaren Helburuekin. Horregatik, lehiaketaren proposamena egiteko aipatu helburu horien oinarrietako bat erabili nahi da, honakoa hain zuzen: GJHren bost jarduketa-esferak, "bost P-ak" izenez ezaqunak eurak: Pertsonak, Planeta, Pakea, Pausuak ematea eta Partenariatuak-itunak.

PERTSONAK: Pobrezia eta gosearekin amaitzea alderdi guztietan, bai eta zaintzea ere, gizaki guztiok duintasunez, berdintasunean eta ingurumen osasungarrian bizitzeko eskubidea.

PLANETA: Planeta narriaduraren aurka babestea, nola eta kontsumo eta ekoizpen jasangarria sustatuz, baliabide naturalen kudeaketa jasangarriaren bidez eta aldaketa klimatikoari aurre egiteko premiazko neurriak ezarriz, zertarako-eta oraingo zein etorkizuneko belaunaldien beharrei erantzun emateko aukera izateko.

PAUSUAK EMATEA: Batetik, gizaki guztiok bizimodu oparo eta zoriontsua izateko bideak urratzea; eta bestetik, lan egitea aurrerapen ekonomiko, sozial eta teknologikoa naturarekin bat etorritz gerta dadin.

PAKEA: Gizarte bakezale, justu eta inklusiboak sustatzea, beldurretik eta indarkeriatik salbu egongo direnak. Ezin da garapenik izan bakerik ez bada, ez eta bakerik ere garapen jasangaririk ez bada.

PARTENARIATUAK/ITUNAK: Baliabideak sortu eta eragin agenda hau ezar dadin, nola-eta mundu mailako itun bat eginez garapen jasangarria sustatzeko. Berau elkartasunean egon beharko da oinarrituta, eta batez ere, txiroenen eta ahulenen beharrei erreparatu beharko die. Herrialde guztiak, interesatu guztiak eta pertsona guztiak arituko dira lankidetzan.

Testuinguru honetan Udalak, Garapen Jasangarriaren xedeak eta helburuak bere eginez, garapen jasangarriarekiko konpromisoa herritar eta eragile sozioekonomiko guztiei zabaldu nahi die bere esku dituen bide guztiak erabiliz.

Garapen Jasangarriaren helburuak gazte eta hezkuntza zentroi helarazi nahi zaizkie azken urteotan egiten ari den ingurumen-lehiaketaren bidez. Horretarako 2019ko gaiak aipatutako "bost P" horietan oinarrituko dira, eurak lehen eta bigarren hezkuntzako ziklo-akademikoen artean bantuz. Ziklo bakoitzaren helburua JGH bat edo batzuk dagokien P-rekin lotzea izango da, parte-hartzaileen adinari egokitutako jarduera artistiko baten bidez.

2.- LEHEN HEZKUNTZAREN MODALITATEA: Banakako marrazki eta pintura-lehiaketa.

3.- KATEGORIAK ETA GAIA:

Parte-hartzaileek udalaren ingurumen-maskota euren zikloa landu behar duten P-ari dagozkion Garapen Jasangarriaren Helburuekin lotu beharko dute:

- **1. kategoria: Lehen Hezkuntzako lehen zikloa:** Kategoria honetan 2011 eta 2012 urteetan jaiotako ikasleek hartuko dute parte.
 - **GAIA:** Ingurumen-maskota eta **Pertsonak**.
- **2. Kategoria: Lehen Hezkuntzako bigarren zikloa:** Kategoria honetan 2009 eta 2010ean jaiotako ikasleek hartuko dute parte.
 - **GAIA:** ingurumen-maskota eta **Planeta**
- **3. Kategoria: Lehen Hezkuntzako hirugarren zikloa:** Kategoria honetan 2007 eta 2008an jaiotako ikasleek hartuko dute parte.
 - **GAIA:** Ingurumen-maskota eta **Pakea**

4.- ESKAERAK ONARTZEKO:

Kategoria bakoitzean adierazitako urteetan jaiotako eta Santurtzin erroldatuta edo Santurtziko hezkuntza-zentroetako baten batean eskolaratuta dauden guztiek hartu ahal izango dute parte.

Ulertzen da lehiaketan parte hartzen duten adin txikikoek gurasoen edo legezko tutorearen baimena dutela..

5.- LANEN AURKEZPENA:

- **Hizkuntza:** Lanak euskaraz edo gaztelaniaz egingo dira, baina euskararen erabilera sustatuko da ahal den guztietan.

- **Aurkezteko epea eta tokia:** Lanak 2019ko maiatzaren 3an aurkeztuko dira, 9:00etatik 14:00etara Hirigintza eta Ingurumen arloko bulegoetan.

- **Lanak aurkezteko modua:**

- Marrazkiak edozein teknika erabiliz egin daitezke (ur-margoak, koloretako lapitzak eta abar); neurria, berriz, DIN A4 izan beharko da.
- Eranskin gisa, egindako lanaren bidez islatu nahi denari buruzko azalpena aurkeztu ahal izango da. Gehienez orri bat.
- **Marrazkiaren atzeko aldean,** honako datu hauek agertu beharko dira:
 - Izen-abizenak
 - Jaiotze data
 - Helbidea
 - Matrikulatuta dagoen eskola-zentroa
 - Maila
 - Kategoria

- **Beste kontu batzuk:**

- Lana gehienez ikasle bakar batek egingo du; ikasleek lan bana aurkeztu ahal izango dute.
- Lehiakidea denez aurkezten dituen lanen gaineko egile-eskubide guztien titular bakarra, hirugarrenen eskubiderik ez dagoelko erantzukizun osoa hartuko du, bai eta hirugarren batek irudi-eskubide edo antzekoengatik egin ditzakeen edozein erreklamazioarena ere.
- Santurtziko udalari emango zaizkio saritutako lanen ustiapen-eskubideak. Aipatutako ustiapen-eskubideak beroriek erreproduzitu, banatu, zabaldu, eraldatu eta egokitzeko izango dira, honako lehiaketa honekin lotutako zabalpen jarduera publikoetan erabiltze aldera.

6.- AURKEZTUTAKO LANAK BALORATZEKO IRIZPIDEAK:

- Batez ere originaltasuna baloratuko da.
- Proposamenaren erabilgarritasuna baloratuko da.
- Inpaktua, erakargarritasun bisuala eta diseinua baloratuko dira.
- Lanak egitean jarritako ahalegina baloratuko da.
- Gure udalerrinari buruzko ideia zehatzak sartzea baloratuko da.

7.- LEHIAKETAREN EPAIMAHAIA:

Kideak: Honako hauek osatuko dute epaimahaia:

- Sara López, Hirigintza eta Ingurumen Arloko arkitekto teknikoa, Tokiko Agenda 21eko arduraduna. Epaimahaiaren idazkari jardungo du.
- Guillermo Pérez Barragán, Tokiko Agenda 21eko jardueren koordinatzailea.
- Arkaitz López Sánchez, Tokiko Agenda 21eko jardueren dinamizatzailea.
- Ixone González Roncero, Tokiko Agenda 21eko jardueren dinamizatzailea.

Ordezkoak:

- Marta Tomé, Hirigintza eta Ingurumen arloko zuzendaria.
- Aurora Iglesias, Hirigintza Kudeaketaren AAB

8.- SARIAK: Hurrengo sari hauek banatuko dira:

Kategoria guztietan sari sorpresa bana emango zaie saridunaren klasekideei.

- **1. Kategoria: Lehen Hezkuntzako lehen zikloa:**
 - **75 euroko opari sorpresa** irabazlearentzat
 - 4 sari berezi.

- **2. Kategoria: Lehen Hezkuntzako bigarren zikloa.**
 - **100 euroko opari sorpresa** irabazlearentzat
 - 4 sari berezi.

- **3. Kategoria: Lehen Hezkuntzako hirugarren zikloa.**
 - **125 euroko opari sorpresa** irabazlearentzat
 - 4 sari berezi.

9.- BALDINTZA OROKORRAK:

- Ulertzen da lehiaketan parte hartzen duten adin txikikoek alde zurretik guraso edo tutorearen baimena izango dutela.
- Lehiakide bakar batek ezin izango du sari bat baino gehiago irabazi, eta hau aurreko atalean zehaztutako hurrenkeraren arabera banatuko da.
- Epaimahaiak erabakiko du saria nori eman, aurkeztutako lanen kalitateari erreparatuta.
- Aurrekoa gorabehera kategoriaren bat sari-jabe gabe geratuko balitz, aipatutako kategoria horri dagozkion sariak hurrengo kategorietan banatzera pasatuko liriateke, betiere lanen kalitateari erreparatuta eta epaimahaiak hala arrazoituta.
- Edonola ere, epaimahaiak lanek gutxiengo kalitaterik ez dutela ikusiko balu saria jabe gabe geratzea erabaki lezake.
- Lehiaketan parte hartzeak oinarri hauek eta antolakuntza taldearen azken erabakia, apelaezina bera, onartzea dakar.
- Santurtziko Udalak oinarrietan aurreikusi ez den edozein gertakizunen inguruko erabakia hartzeko eskumena izango du, bai eta lehiaketa aldatu edo bertan behera uztekoa ere, ezinbestez hala egin behar izanez gero.
- Interesatuari ez zaizkio aurkeztutako lanak itzuliko.

10.- PUBLIZITATEA:

Aipatutako oinarriak ahalik eta gehien zabalduko dira Udalaren webgunearen bidez, egoki deritzen beste batzuei ezertan eragotzi gabe.

11.- ERAKUSKETA

Lanak erakusgai jarri ahal izango dira **edozein informazio-bide erabiliz (udalaren webgunea...)**

12.- SARI BANAKETA:

- Sariak ekitaldi berezi batean banatuko dira, **2019ko maiatzaren 17an, 12:00etan** Casa Torre jauregian.
- Ekitaldian parte hartu duten zentro bakoitzaren ikasle ordezkariak egon beharko dute. Justifikatutako arrazoi bat tarteko saritutakoa ezin izango balitz bertaratu beste bat izendatu ahal izango luke, ekitaldi horretan saria bere izenean har dezan.

13.- SANTURTZIKO UDALAREN ESKUBIDE ETA ERANTZUKIZUNA:

- Santurtziko Udalak eskumena izango du lehiaketa murriztu, luzatu, aldatu edo bertan behera uzteko, baldin eta berau behar bezala egitea eragotziko luketen ohiz kanpoko egoerarik sortuko balitz, eta egoera horien berri eman beharko luke lehiaketan parte hartzen duten ikasleek kalterik jaso ez dezaten.
- Horrez gain, lehiaketaren funtzionamendu egoki, normal eta araupekoa kolokan jarri, iruzur egin edo aldatzen duen edozein lehiakide lehiaketatik kanpo uzteko eskumena izango du.
- Lehiaketan parte hartzeak oinarri hauek eta epaimahaiaren erabakia onartzea dakar. Oinarriak oso-osorik edo parte bat onartzen ez duen lehiakidea lehiaketatik kanpo geratuko da ezinbestez, eta horren guztiorren ondorioz, administrazioak ez du izango pertsona horrekin hartutako betebeharra zertan bete.
- Aurkeztutako lanak udalak egoki deritzon moduan erabili ahal izango ditu.